



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Nucleus Casuum Conscientiæ Sive Brevis Notitia Eorum  
quæ scitu vel necessaria, vel valde vtilia sunt  
Confessarijs in primo ingressu ad audiendas Confessiones**

**Agostini, Giuseppe**

**Coloniae Agripp., 1644**

Ritus in Missa seruandi, sint ubiuis uniformes, n. 39.

**urn:nbn:de:hbz:466:1-41767**

*Ordinati Sacerdotes intra 40. dies primitias celebrare tenentur, sed prius literas suscepti Sacerdotij exhibere.*

XXXVIII. Ordinati Sacerdotes, intra quadraginta dies ab Ordinatione, iuxta antiquam consuetudinem, primitias suas celebrent; sed ne quisquam fortè a susceptione Ordinis Sacerdotalis reiectus, ad euitandam apud suos confusionem, ministerium Sacerdotale, quod non accepit, sacrilegâ temeritate usurpare attentet: mandamus vt nemini primitias celebrare permittatur, antequam superiori Ecclesiastico, seculari vel Regulari eius loci, vbi primitias celebrare intendit, literas suscepti Sacerdotij exhibuerit. a

a Statuta Sifridi Archiep. Colon. c. 9 pag. 44. Henrici Archiep. Colon. c. 9 pag. 102. Philippi Archiep. Colon. pag. 283. Adolphi 3. Archiep. Colon. pag. 462.

*Ritus in Missâ seruandi sint vbiuis uniformes.*

XXXIX. a Sicut vna est Christi Ecclesia,



clesia, sic omnia Ecclesiae membra uniformia esse, & unitatem semper obseruare necessum est, maximè autem in sanctissimo Corporis & Sanguinis Christi mysterio; unde ad præcauendam omnem difformitatem, atque caeremoniarum ac rituum in sacrae Missae officio confusionem, Episcopus & Sacerdotes omnes à se recenter ordinatos admonet, vt diligenter totius Missae ordinem ac Sacrae Hostiae consecrationem, fractionem & Communionem ab alijs iam doctis Sacerdotibus discant, priusquam ad celebrandam Missam accedant. Quia tamen experientia cognouimus, sæpè eos deligi Sacerdotes, qui magis egerent doceri, quam docere, cum ipsimet in caeremonijs ac ritibus, præsertim Romanae Ecclesiae parum sint exercitati, & cum in antiquis Missalibus Ecclesiae Coloniensis nulli præscribantur certi ritus aut caeremoniae, nec ulli extent huius Diocesis aut Prouinciæ rituales libri, qui, quibusuam caeremonijs aut ritibus sacra illa ac tremenda actio peragenda sit, præscribant, tantam videmus caeremoniarum ac rituum in hanc sacratissimam actionem



tractu temporis irreplisse ignorantiam,  
 neglectum, & confusionem, vt (quod o-  
 mnes grauitè offendit) quot sunt Ec-  
 clesiarum ministri, tot penè videre sit in  
 ritibus atque cæremonijs Sacrificij Mis-  
 sæ diuersitates, vt mirum non sit statum  
 Diocesis, ac Prouinciæ huius vehemē-  
 ter perturbatum esse. Nam quod com-  
 muni Ecclesiæ oratione suppliciter à  
 Deo petitur: *Sic nos tu visita, sicut te colimus*: hoc ille facit, & vt nō in irā ac furo-  
 re suo faciat; sed in misericordia sua ma-  
 gna, ac miserationibus multis: vt virga  
 correctionis suæ prudētiores nos faciat;  
 tempus est, vt singuli cum omni humi-  
 litate & contritione cordis disciplinam  
 Domini suscipiant, totaque voluntate  
 causam auferāt. Quod vt nos pro Archi-  
 episcopali nostro munere & auctoritate  
 præstaremus, Missale Colonienſe ad dis-  
 positionem S. Romanæ Ecclesiæ accō-  
 modatum excudi, eidemque plenissimā  
 instructionem generalibus & speciali-  
 bus rubricis complexam de cæremonijs  
 & ritibus vniformiter, in Ecclesijs nobis  
 subiectis, seruandis præfigi fecimus, cu-  
 ius



ius piè intenti operis fructu ne Ecclesia  
nostra fraudaretur, in Synodo nostra  
Coloniensi vltima mandauimus omni-  
bus in virtute S. Obedientiæ, vt amotis  
quibusvis alijs siue iam antiquatis, siue  
peregrinis, vel priuatis, & omnibus sin-  
gularum Ecclesiarum proprijs Missali-  
bus, deinceps nouo Missali vterentur,  
volumusque, vt in omnibus Ecclesijs  
Collegiatis & Parochialibus, alijsque  
vbi plures sunt Clerici, vnus constitue-  
retur, qui caeremoniarum ac rituum cu-  
ram in se reciperet, nouellos Sacerdotes  
in caeremonijs instrueret, & vt omnia  
suo ordine, loco ac tempore fierent, ob-  
seruaret, is etiam Superiores singularum  
Ecclesiarum Decanos, Pastores, Priores,  
Rectores, aliove quouis nomine voca-  
tos, de difformitatibus quibusvis cer-  
tiores reddere teneretur, vt eorum au-  
toritate, quod commodè interdum  
Caeremoniarij introducere aut corrige-  
re non possent, introduceretur, vel cor-  
rigeretur. Sed cū hactenus salubre illud  
decretum minus rectè obseruatum sit,  
& sciamus difficillimum esse ab ijs, qui-  
bus primum quis affuevit, sese reuocare.



Idcirco Archiepiscopali nostrâ auctori-  
tate iterum in virtute S. Obedientiæ se-  
uerè prohibemus, ne quisquam dein-  
ceps Sacerdos secularis primitias cele-  
brare præsumat, nisi prius generales ac  
Speciales rubricas & ritum celebrandi  
Missam tam priuatam quàm solemnem  
secundum præscriptum Missalis Roma-  
ni diligenter perlegerit, & in sacris Mis-  
sæ ritibus optimè fuerit eruditus, atque  
ab aliquo cæremoniarum & rituum Ec-  
clesiæ Romanæ perito Sacerdote easdem  
cæremonias & ritus se perfectè didicisse  
Capitulo vel Decano, aut Pastori, cui  
subest, testimonio instructoris sui d:bi-  
tè probauerit, sub pœnâ arbitrariâ: item  
nec vllus Ciuitatis vel Archidiœcesis  
nostræ Colonienfis Sacerdos priuatis  
affectibus ductus, alijs cæremonijs ac  
ritibus in celebratione Missæ vratur, nec  
phures faciat cruces aut benedictiones,  
quam in Missali Romano præscribun-  
tur, sed omnes iuxta antedicti Missalis  
normam, vestium collaribus sub amictu  
seu humerali circumtectis, tremendum  
illud Missæ sacrificium reuerenter, piè  
& deuotè peragant, obedienter ac reli-  
giosè



giosè in omnibus sacrosanctæ Missæ ritibus. atque cæremonijs sequendo Sanctam & Romanam Ecclesiam, cæterarum Ecclesiarum omnium matrem & magistram, indeque resumant normam sacrificandi, vnde sumpserunt exordium.

a D. Cyprianus tom. 2. c. 3. de unitate Eccles. Catholica. b Pontif. Rom. tit. de ordinat. Presb. in fin. c In Hymn. ad Matut. offic. Corporis Christi vers. fin. d Synod. Colon. habita 19. Aprilis 1627. titul. 5. pag. 14. e c. 1. c. 2. dist 12. c. nolite errare. c quis nesciat. d. 11. Statuta Henrici Archiep. Colon. c. 3. in fin. pag. 61.

*Vniformitas sacrorum rituum & cæremoniarum in omnibus officijs Ecclesiasticis adhibenda.*

XL. Ut hæc vniformitas sacrorum rituum & cæremoniarum vsus Romani magnopere commendans Catholicæ religionis dignitatem & vnitatem, in quibuscunque etiam reliquis officijs Ecclesiasticis, prout decet, adhibeatur, vehementer exoptamus ab omnibus & singulis